





原件短缺

P. 1

成祖文皇壹稟其制行之至今

二百六十年而無敢易然則

二百六十年以來



東朝秉元良之度庶寮盡輔導

之職皆

二祖貽謀之善也即繼此而百
千萬世

前星長耀羽翼惟良皆

二祖之烈也如是而

二祖當日開府設僚創制立法

與諸臣之遺言遺事詎可不

爲昭揭之此今日南京詹事

志所繇作也曰南者對北而
言

遷都以後未之敢及而

太祖事盡在南

成祖十八年以前事則在南正
以明其爲

本朝 東宮之始而 國本

之本也蓋北如河之有海南

如河之有源溯流窮源必先

河後海今計爲卷者二十若

建置沿革職司與夫年表列

傳無不犁然畢具試一開卷

讀之其時

父子一心 官府一體法與情
聯人與位稱真有遠追三代
之隆而陋漢唐宋於不足言
者猗歟美哉而總題之曰南
在南言南固其地之宜在詹

言詹又其職之宜也噫嘻洵
如是則北之詹事詎不當志
與余計之詞林詹事內閣合
而爲一官者也記事者必記
其事之始終紀人者必紀其

人之本末割而分之失之陋
兼而載之又恐失之煩故余
自入詞林以來第見有詞林
典故未見有詞林志其於詹
事想亦然矣獨南京詞林則
有志余座師周寅所先生為
之今詹事又有志則署簿張
君聘太學邵生點成之夫南
有志而北無志謂南可志北
不可志又豈其然與方今詹

事之官無有盛於此時者歷
年之多又有十倍於前者吾
意

輦轂之下日月之旁

聖子神孫所迭起賢士大夫所

遞承金匱石室所收藏識大

識小所躬逢而目擊或分紀

之可合載之亦可必有作者

其人且莫遇之矣敬因張君

之請而為是以序之

賜進士出身禮部右侍郎兼翰

林院侍讀學士協理詹事府

事

經筵

日講官纂修

實錄前

少詹事右春坊掌坊事右庶

子右諭德奉直大夫

國史檢討直

起居注編纂章奏龜浦丁紹軾

文遠甫頓首書



南京詹事府志凡例

一志之體編年本于魯史載事昉于漢書備
 一朝之典章俟于秋之考核經制已更雖
 昭代亦多殘闕而法守無據則簡牘宜取
 存疑今南京詹事府創設于洪武建極之
 初革除于永樂遷都之後故自洪武元年
 以至永樂十九年其間文獻頗詳無不具
 載後此係北府者不備錄

一建置歷代互有異同本朝亦多增減故詳其始末以俟參觀

一沿革在國初其制屢更遜國後其中微易自宣德年始爲一定之典茲據實錄備載之

一職司係公輔大臣

東宮教諭體統旣尊職司亦簡今旣總其紀綱亦復載其儀禮

一兼攝

高皇帝鑑前代之失革勝國之弊謂父子一體宮府一心故東宮官屬師保得以兼之經制所關不敢不載

一侍講讀乃詹事專職或進退有儀寵賚有典非疎遠所能詳識今據大明會典載之不免掛一漏萬之失以俟君子補訂之

一扈從唯

高皇帝

成祖

仁宗時有焉後此一人無省方之蹕三事少後載之車茲特存其事實以見恩寵

一纂修書史篇目可稽旌嘉有典不特存其人編輯之勞亦且見當代收藏之盛故得列焉

一書籍遷歸北府草生無帶蠹走非芸寥寥殘簡無關石室之藏便便腹笥誰究孝先之秘載其名目彰所有事云耳

一府舍舊基鞠爲茂草新址僅蔽風日蒞任者毋嫌君子之居弔古者莫作黍離之歎廢興有數改創由人

一年表列傳雖採之國史考之家乘或人以代遠而淹或事以時久而失况末學荒陋淺才愚鈍豈無亥豕之訛必多脫誤之累訂正

之功猶賴博雅君子以補不逮如云纂修
小子何敢

南京詹事府志目錄

第一卷

建置考

第二卷

沿革考

第三卷

職司考

兼攝考

侍講讀考

第四卷

扈從考

纂修書史考

書籍考

府舍考

第五卷

年表

第六卷

列傳

第七卷

列傳

第八卷

列傳

第九卷

列傳

第十卷

列傳

第十一卷

列傳

第十二卷

列傳

第十三卷

列傳

第十四卷

列傳

第十五卷

列傳

第十六卷

列傳

第十七卷

列傳

第十八卷

列傳

第十九卷

列傳

第二十卷

奏疏

南京詹事府志卷之一

建置考

夫詹事秦官詹省也給也秩二千石漢書

百官表曰太子詹事掌

皇后太子家丞屬

太子門下大夫庶子洗馬舍人皆屬二傳其太

子家令丞率更僕中盾衛率等並屬詹事後

漢省詹事而太子官悉屬少傅故沈約宋

書曰詹事一人初領宮屬成帝時悉屬少
傅魏氏更置詹事總衆職晉初又屬二傅
自咸寧大安以來又置歷宋齊梁並總宮
朝隋開皇初置二年罷之至唐復置詹事
府詹事一人掌內外衆務糾彈非違總判
府事又置少詹事一人以貳之歷宋而下
無改我

朝洪武初置大本堂取古今圖書充其中

召四方名儒教

太子居文華堂諸儒臣迭班侍從又選才俊
之士入充伴讀時時賜宴賦詩商確今古
評論文學當是時東宮官有同知詹事院
事副詹事左右詹事詹事丞左右率更令
率府使副使同知左右率府事諭德贊善
文學中舍正字侍書洗馬庶子皆勲舊大
臣兼之不別設府僚已又改贊善爲贊善

大夫設贊讀十年置通事司設司令司丞
尋革十四年設左右司直郎十五年置左
右春坊各設大學士又置司經局設洗馬
校書正字二十二年以官聯無統始置詹
事院二十五年改院爲府設詹事一人正
三品少詹事二人正四品府丞二人正六
品主簿一人從七品錄事三人正九品二
十九年增設屬官清紀司諫通事舍人二
人從九品改錄事亦爲從九品其堂上官
與翰林院官互兼職事而凡講讀纂修考
試等官皆與翰林同坊局雖各有印而事
總于詹事府洪武時春坊翰林日二人進講
尚書春秋資治通鑑大學衍義三年禮部
議貞觀政要諸纂述始終直陳大義輯成
篇章呈

上覽已乃赴文華殿講說三師三少詹事府鴻



原件短缺

P4

臚寺官各一人給事中一人侍講畢同辭
而出召問則諸侍官同入有獨進及留身
者給事中鴻臚寺司直清紀卽劾奏洪武
二十六年選秀才張宗濟等隨詹事春坊
官分直文華殿侍讀畢進說民間利害田
里稼穡古今孝弟忠信文學材藝故事命
廷臣舉孝義篤行之士爲東宮官屬遂以
鄭濟王勤爲左右庶子建文中增少卿寺

議大夫加授正議大夫

少詹事 正四品 初授中順大夫陞授

中憲大夫加授中議大夫

春坊庶子 正五品 初授奉議大夫陞

授奉政大夫

論德洗馬 從五品 初授奉訓大夫陞

授奉直大夫

事丞中允 正六品 初授承直郎陞授

承德郎

贊善司直郎 從六品 初授承務郎陞

授儒林郎

主簿 從七品 初授從仕郎陞授徵仕

郎

清紀郎 從八品 初授迪功佐郎陞授

修職佐郎

校書侍書 正九品 初授將仕郎陞授

登仕郎

司諫通事舍人 正字錄事 從九品

初授將佐郎陞授登仕佐郎

南京詹事府志卷之二

沿革考

洪武元年戊申正月以李善長徐達為左

右丞相劉基陶安言于

上曰適聞中書及都督府議倣元制設中書令

欲奏以

太子為之

上曰元氏胡人事不師古豈可取法聞禮有成

王世子之篇周公教太子之法也卿等宜
師之何必效彼作中書令乎乃命詹同等

曰

朕今立東宮官必須勲德老成者爲之而新進
之賢亦選擇參用不別設府寮而師傅賓
友悉以廷臣兼之則讒間不生而卿等可
以無疑貳也於是李善長爲太子少師
兼詹事馮勝兼少詹事楊憲傳璘兼府丞

徐達兼太子少傅常遇春兼太子少保鄧
愈湯和兼諭德章溢兼贊善劉基兼率更
令三月庚寅以劉基爲御史中丞兼太子
贊善冬十月戊寅以梁貞王儀爲太子賓
客秦鏞盧德明張昌爲太子諭德

上曰朕命卿等輔導

太子必先養其德性使進于高明然後於帝
王之道禮樂之教及往古成敗之跡民間

稼穡之事朝夕與之論說日聞讜言使無
非僻之干積久以化他日爲政自然合道
卿等勉之十一月宴東宮官及儒士各

賜冠服先是建大本堂取古今圖籍充其中
延四方名儒教

太子諸王分番夜直

上時臨幸商確古今評論文字是日

上命諸儒作鍾山龍蟠賦自作時雪賦故有是

燕賜洪武三年十二月禮部尚書陶凱

請專任東宮官屬罷兼領之職庶于輔導有所
責成

上曰古者官不必備惟其賢

朕以廷臣兼東宮官者非不欲專任責成慮廷
臣與東宮官屬有不相能遂成嫌隙或離
間骨肉其禍非細漢江克之事可鑑也

朕今立法令廷臣兼東宮贊輔之職父子一體

南京府志 卷之二
君臣一心庶幾無相構之患七年十一月
孝慈錄成

皇太子臨大本堂召東宮贊讀及諸王府伴
讀諭之曰爾等離父母去墳墓者三年于
茲冬氣向深草木搖落寧不惻然動懷土
之情乎吾已爲爾請于

上宜各旋歸歸卽遄至無久淹也仍命左右給
內府錢以爲道途費八年冬十月

上命

皇太子秦王晉王楚王靖王出遊中都以講
武事

詔太子贊善宋濂長史趙壖等從旣行

上閱輿地志得濠梁古蹟

命內臣馳驛

賜東宮令濂詢訪隨處言之

皇太子至池河得

上所賜示濂濂曰臨濠古蹟唯塗荆二山最著
皆在鍾離縣西八九十里間岡巒相屬淮
水繞荆山之陰神禹鑿之水始流二山間
民免修阻之患昔人所謂觀河洛者思禹
功此亦大觀也十一月壬寅

皇太子過中都乃往遊焉命濂作記其諸古
蹟濂隨處進說甚有規益事畢遂還京師
十年十二月

上諭李善長等曰人君聰明雖得於天性然物
理必察識而後知人情必諳練而後熟若
臨事不熟驟然斷決恐未盡善既行之後
覺其非而欲改之妨事已多前者令

皇太子躬聽朝臣啓事練習國政恐聽覽之
際處置或有未當自今事啓于

東宮者卿等二三大臣更爲參決可否十一

年五月

命東宮文學傅藻等編纂春秋本末十二年三月助教吳伯宗進講

東宮首陳正心誠意之學

皇太子嘉納尋改典籍六月編春秋本末成先是

上以春秋本諸魯史而列國之事錯見間出欲究其終始則艱於考索乃

命東宮文學傅藻等纂錄分列國而類聚之附以左氏傳首周王之氏以尊正統次魯公

之年以仍舊文列國則先晉齊而後楚燕所以內中國而外夷狄也事之始終秩然

有序賜名曰春秋本末十四年十月給事中鄭相同言國初之制凡啓事

東宮惟東宮官屬稱臣朝臣則否蓋尊無二上之意今一體稱臣於禮未安

詔下羣臣議翰林院編修吳沉等

奏曰

東宮國之大本所以繼

聖體而承

天位者也臣子尊敬之禮何得有異相同之言

非是

請凡啓事

東宮者稱臣如故從之十七年夏四月

上謂侍臣曰朕觀六學衍義甚有益于治道每

披閱便有警省故令儒臣日與

太子諸王講說使鑑古驗今窮其得失大抵

其書先經後史要領分明使人觀之易悟

真有國之龜鑑也十八年正月以儒士劉

三吾爲左春坊左贊善三吾名昆孫以字

行茶陵人三吾少習舉業元季避兵廣西

行省授靖江路教授遷儒學副提舉王師

克廣西乃歸茶陵至是通政使茹瑄薦之

三吾雖老而應對詳敏博覽善記侍承顧問多稱

肯

上甚重之遂有是擢尋陞翰林學士二十二年夏四月置詹事院二十三年六月

命定東官司經局官制禮部考唐制言太子司經局洗馬從五品校書正九品正字從九品其餘職官各有差本朝祿增多於唐宜從裁減

詔自洗馬而下官秩依唐制其俸祿則從

本朝二十五年九月以馮勝傳友德李景隆藍玉詹徽茹瑄任亨泰杜澤楚樟唐鐸楊靖皆兼東宮師傅等官又

命廷臣舉孝義篤行之士鄭濟王懃爲左右庶子二十六年秋七月選秀才張宗濬等俾隨詹事府左右春坊分班入直華蓋殿侍

講畢進說民間利害田里稼穡等事兼陳古今孝弟忠信文學材藝諸故事日以爲常九月以鄭濟爲左春坊左庶子王勲爲右春坊右庶子初

上以東宮官屬久闕

命廷臣舉孝友節行之士廷臣以浦江鄭氏對上曰鄭氏朕所素知聞其里人王氏亦倣鄭氏家法皆可選用以風勵天下及徵兩家子

弟年三十以上者請旣令自推舉鄭氏舉濟王氏舉勲其餘給道里費遣還冬十月改建翰林院于皇城東南宗人府之後詹事府次之大醫院又次之二十七年冬十月翰林院詹事府成詔皆賜宴落成之二十九年五月

命詹事府翰林院尚寶司中書舍人六科給事中儀禮司于午門內出入者各給牌爲驗

八月巳酉禮部尚書門克新卒克新鞏昌
秦州人始爲本州儒學訓導秩滿來

朝天下學官入覲者咸

命侍朝詢問經史及民間政事得失在列者多
不稱

旨獨克新與紹興府學教授王俊華敷奏亮直
遂擢俊華爲右春坊右贊善克新爲左春
坊左贊善克新尋陞禮書未幾以疾卒

命翰林學士劉三吾右春坊右贊善王俊華撰
慶賀謝恩表箋成式頒于天下諸司令如
式錄進十一月增設左春坊清紀郎一人
左司諫二人右春坊同建文二年六月增
改詹事府官置資德院永樂二年夏四月
文華寶鑑成先是

命侍臣輯自古以來嘉言善行有益于太子者
爲書以授

皇太子至是書成名文華寶鑑

上顧解縉等曰

朕皇考訓戒太子嘗集經傳格言爲書名儲君

昭鑑錄

朕此書稍克廣之昔秦始皇教太子以法律晉
元帝授太子以非聖之書帝王之道廢而
不講所以速亡

朕此書皆大經大法卿等兼輔東宮從容閒暇
亦當以此爲說庶幾成其德業他日不失
爲守成令主五年夏四月

皇長孫出閣就學

上召姚廣孝魯瑄鄭禮等諭之曰人於學問常
以先入之言爲主

朕長孫天資明睿爾等宜盡心開導凡經史所
載孝弟仁義與夫帝王大訓可以經綸天
下者日與講說不必如儒生繹章句工文

詞爲能也廣孝等稽首受命七年二月

上巡北京啓行

命皇太子監國

上出一書示胡廣等曰

朕因政暇聖賢之言若執中建極之類切于修身齊家治國平天下者今已成書卿等試觀之廣等覽畢奏曰帝王道德之要備載此書遂名之曰聖學心法

命司禮監刊印

上諭黃淮楊士奇曰

東宮侍側

朕問講官今日說何書對曰論語君子小人和同章因問何以君子難進易退小人則易進難退對曰小人逞才而無耻君子守道而無欲又問何以小人之勢常勝對曰此係上人之好惡如明主在上必君子勝矣

又問明主在上都不用小人乎曰小人果
有才亦不可盡棄須常警飭之不使有過
可也

朕甚喜其學問有進爾等其盡心輔之閏四月
勅蹇義金忠黃淮楊士竒輔

皇太子監國五月己卯

賜皇太子聖學心法十一年二月
上巡幸北京

皇太孫從

命尚書蹇義學士黃淮諭德楊士竒及洗馬楊
溥輔

皇太子監國五月癸未端午節

車駕幸東苑觀擊毬射柳聽文武羣臣四夷朝
使及在京耆老聚觀自

皇太孫而下諸王大臣以次擊射

皇太孫擊射連發皆中

上喜命儒臣賦詩賜羣臣宴及鈔帛有差
命禮部侍郎儀智侍

皇太孫講讀先是

上命吏部翰林院簡求老成正大儒者侍

皇太孫蹇義楊士奇共舉智

上喜曰得之矣此人雖老識

朝廷大體能直言不阿向之正元日食呂震等

皆欲行賀禮惟此老與楊士奇言免賀

朕從之智可用遂令侍

皇太孫授經智山東高客人溫重端慤由教

官累遷今職遇事務別白是非不少附會

既而智以年老薦其同鄉訓導戴綸卽擢

爲禮科給事中侍從授經十二年閏九月

先是

上以皇太子所遣使迎

車駕緩且奏書失辭曰此輔導者之不職遂徵

黃淮等是日淮先至諸司交奏其罪遂下
獄後二日楊士奇及司經局正字金問至
上曰楊士奇姑宥之

朕未嘗識金問何以得侍
東宮

命法司鞫之已而召士奇至前

親問東宮事士奇叩首言

殿下孝敬誠至凡所稽違皆臣等之罪

上悅而罷於是行在部院諸司交章奏士奇罪

不宜獨宥乃下錦衣衛繫之未幾特宥復

職遂徵楊溥芮善相繼下獄皆以金問辭

連之也十四年十二月壬申歷代名臣奏

議書成先是

上以璽書

諭皇太子令翰林儒臣黃淮楊士奇等采古名

臣奏疏彙錄以便觀法至是書成

上覽而嘉之賜名歷代名臣奏議因謂侍臣曰
致治之道千古一揆君能納善言臣能盡
忠不隱天下未有不治觀是書足以見當
時人君之量人臣之直爲君者以前賢所
言便作今日耳聞爲人臣者以前賢事君
之心爲心天下國家之福也遂命刊印以
賜皇太子皇太孫及諸大臣十五年三月壬子
上巡北京

皇太子監國命胡廣楊榮金幼孜扈從七月
賜皇太子務本之訓十六年秋七月巳酉朔右
贊善梁潛以輔導有闕逮下獄潛初以文
學簡侍

皇太子監國南京有陳千戶害民取財
皇太子謫交趾立功後念其舊有軍功宥之
或言陳千戶不當宥潛及司諫周冕預聞
之而不諫遂逮下獄後冕不謹併潛皆死

十八年冬十月

皇太子過滁州登瑯琊山指示楊士奇曰此
醉翁亭故址也因歎歐陽修立朝正言不
易得今人知愛其文而知其忠者鮮矣蓋
皇太子爲文章尤善修每日三代以下文人
獨修有雍容和平氣象尤愛其奏議切直
嘗命刊修文以賜羣臣且論之曰修之賢
非在于文卿等當考其所以事君者而勉
之十一月

皇太子過鳳陽謁祭

皇陵畢周步陵旁顧張本楊士奇曰國家地

帝業所自也徘徊久而後退耆老進謁有知

太祖龍興時事者留從容與語賜勞優厚

皇太子過鄒縣見民男女持筐路拾草實者

駐馬問所用民跪對曰歲荒以爲食

皇太子惻然稍前下馬入民舍視民男女皆

衣百結竈釜傾什歎曰民隱不上聞至此
乎命中官賜之鈔而召鄉老問其疾苦輟
所食賜之時山東布政石執中來迎責之
太師曰爲民牧而視民窮如此亦動念否乎執
中言凡被災之處皆已奏乞停止今年秋

皇朝稅

皇太子曰民餓且死尚及徵稅耶汝宜速發
官粟賑之事不可緩執中請人給三斗曰
且與六斗汝母懼擅發倉廩吾見

上當自奏也十二月戊午立春

上御奉天殿文武羣臣行賀禮是日

皇太子奏前過山東境內遇民饑卽令布政
司發粟賑之

上曰正是昔范仲淹之子猶能舉麥舟濟其父之
故舊况百姓吾之赤子乎十九年正月改
楊士奇爲左春坊大學士夏四月禮部左

侍郎儀智乞致仕

賜勅獎諭遣歸智侍

皇太孫數年啓迪臣益克盡其誠至是年八

十歸是年北京

郊社及宮殿成

上御奉天殿受朝賀戊寅大赦

詔曰朕荷天地

祖宗之佑繼承大寶統馭萬方祗勤撫綏夙夜

無間乃者做成周卜洛之規建立兩京爲

子孫永遠之業爰自經營以來賴天下臣

民殫心竭力趨事赴工今宮殿告成

朕御正朝祗事天地宗社眷懷黎庶嘉與維新

弘敷寬恤之仁用洽好生之德大赦天下

至是宮僚悉居北京矣

南京詹事府志卷之三

職司考

詹事以輔導

東宮為職少詹事寺丞為之貳凡侍

東宮講讀暨坊局翰林院番直凡講讀畢

上所處分府部軍政要務及撫諭四夷恩義率

其僚屬暨坊局陳說於

東宮府院官得互兼凡試士修書皆與焉坊

局亦如之主簿典勾會文移檢稽脫失錄事佐之通事舍人典

東宮朝參謁辭見之禮及承令勞問之事左

右春坊大學士典

東宮上奏

請及下啓箋講讀之士審慎而監省之庶子諭德中允贊善各奉其職而從焉凡

東宮監國撫軍出狩及朝會出入覆啓畫諾審署移詹事凡諸祥青若伶僕改變新聲導逢非禮者必陳古義申典制糾正而請遠斥之凡內外庶政可爲規諷者隨事贊論焉司直郎掌彈劾宮寮糾舉職事清紀卽參佐之司諫掌箴誨鑒誠之事以拾遺而補過焉洗馬掌經史子集制典圖書刊緝之事立正本副本貯本以備進

覽凡天下圖冊上

東宮者皆受而藏之校書正字掌繕寫裝潢
經史子集制典圖書詮其訛謬調其音切
以佐洗馬凡遇正旦冬至節行慶賀禮并
進曆進春等事本府例該啓

皇太子知必先奏

聞俟得

旨方具啓本進凡遇

皇太子千秋節行慶賀禮奏啓本同進凡正
旦冬至千秋節禮部官進箋并進曆進春
通事舍人二員舉案凡正旦冬至

皇太子千秋節兩坊局官二員與翰林院官
於文華殿侍班

凡東宮官屬與翰林院官互兼職事遇有
講讀纂修考試等事本府官皆預與翰林
院同

凡本府官於午門內出入洪武二十六年

令給牌爲驗後不給

凡本府用紙劄每月於刑部都察院關給
筆墨印色順天府買辦送用

凡講讀纂修考試等事坊局官皆預

詳見翰林

院

凡坊局官吏俸糧舊於禮部帶支後

奏准俱從詹事府支給

凡紙劄印色等項俱于詹事府分給自永

樂十九年遷都後南京詹事府不設官止

設主簿一員本官俸糧每月二石六斗折

銀壹兩八錢二分皂隸四名工食銀二十

兩於兵部武庫司支給南京左春坊南京

右春坊南京司經局後俱不設官

兼攝考

洪武年冬禮部尚書陶凱請專選東宮
官罷兼職庶于輔導有所責成

上曰古者官不必備惟其賢

朕以廷臣有才望勲德者兼東宮官非無謂也
常慮廷臣與宮僚有不相合遂成嫌隙或
生奸謀離間骨肉其禍非細若江充之事
可謂明鑑

朕今立此兼職父子一體君臣一心庶無相構之患也又諭詹同日

朕今立東宮官取廷臣勲德老成者兼其職老成舊人動有典則夫舉用賢才立國之本崇德尚齒尊賢之道輔導得賢人各盡職故連抱之木必以授大匠萬金之璧不可以付拙工於是立太子賓客正三品皆東宮大臣而不列於詹事府無定員無專授

爲勲戚文武大臣兼官加官贈官或曰

東宮公孤初詹事府洪武元年李善長徐達兼太子少師太子少傅治書侍御史夏原吉范顯祖皆兼太子賓客二十五年立

皇太孫始以宋國公勝潁國公友德兼太子太師曹國公景隆涼國公玉太子太傅開國公昇全寧侯恪太子太保詹徽爲太子少傅兼吏部尚書茹瑺太子少傅兵部尚

書太子太師太子太傅太子太保以道德
輔教

太子而謹護翼之太子少師太子少傅太子
少保奉

太子以觀三公之道德而教諭焉太子賓客
侍

太子規誨贊相禮儀而先後之

其後吏禮二部太常寺翰林院皆得與詹

事府相兼視其品秩而酌裁之以太常卿

兼直學士者范常也以學士承旨兼吏部

尚書者詹同也以侍講學士兼太子贊善

大夫者宋濂也以學士兼左贊善者劉三

吾也以少詹事兼修撰者黃子澄任亨泰

也永樂初設東宮官屬與翰林院兼職者

如解縉胡廣以學士兼春坊大學士廣又

以文淵閣大學士兼春坊大學士楊榮金

幼孜亦以文淵閣大學士兼學士榮又以
學士兼庶子幼孜及楊士奇以學士兼侍
讀胡儼以祭酒兼侍讀凡此皆近時所無
也

凡以春坊官署掌翰林院者其初皆兼翰
林院官如費案吳山以庶子兼侍講王教
以諭德兼侍讀是也惟豐熙李本呂懷皆
不兼院官或有他故近時兼院官者不復
見矣景泰元年以詹事主簿署翰林院孔
目事隆慶六年孔目缺復以詹事府主簿
署詹事府主簿缺亦以翰林院孔目署

侍講讀考

國初

命宋濂為

太子諸王師又命王禕采故實為四言詩授

太子既而置大本堂取古今圖書充其中召四方名儒以教

太子諸王用學士宋濂待制王禕修撰王傑

典籍段禮儒士陶凱輩分番夜直選才俊之士充伴讀所授經書必

親督之洪武六年四月以孔克表爲修撰於秦王前說書七月又命侍讀學士樂韶鳳於

東宮前說書十五年十二月以劉進道爲檢討文華殿說書十六年二月復命進道春和門教書春和門者亦

閣臣閱過有未當者悉與改正於是解縉專閱書胡廣閱詩金幼孜閱春秋楊士奇閱易是時徐好古作尚書直指金幼孜作春秋直指楊士奇作周易大義皆進于

東宮東宮諭士奇曰凡此皆書數本於齋閣便殿寢室各置一本得備觀覽其年以陸具瞻署編修授趙王經次年趙王之國遂陞具瞻爲左長史五年四月





五十四

王孫大平鼓王

一本將

出

針

